



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs XLVIII. Magnus Dominus & laudabilis nimis.

urn:nbn:de:hbz:466:1-44993

- Excepit litui ac tubæ
 Mixto IAS fonitu prominuit Deus.
 7 Nostrum psallite PRINCIPEM
 Ac Regem canite hunc, psallite, psallite:
 8 Omnes nam imperio regit
 Terras ipse DEVS, psallite doctius.
 9 Rex hic gentibus est DEVS,
 Et sanctum solium sede tenet Deus.
 10 Famosi in populis duces
 Addunt se socios ad populum DEI;
 Cui se prouidus Abraham
 Permittens retulit nomen. honestius:
 Cuncti nam proceres viri
 Terras qui clypeis cunque tegunt suis,
 Agnoscunt Dominam DEVM,
 Atque alto solide numine PRINCIPEM.

PSALMVS XLVIII.

Magnus Dominus & laudabilis nimis.

ECCLESIAE BEATITAS.

Canticum Psalmi filiorum Corei.

Carmen Sapphicum.

- 1 **M**Aximis magnus celebratur IAS
 Laudibus celsæ moderator arcis,
 Monte quo se iam solido probauit
 Numine sanctum.
 2 Mons Sion tractu celebris nitenti, est
 Omnibus terris decor & voluptas,
 Regis vrbs magni hæc sedet, atque opacam
 Spectat in arcton.
 3 Arcibus cuius DEVS ipse notus
 Tutor ac præses: sociata in vnum
 4 Quam manus regum petiit minantum
 Præteritque.
 5 Hanc simul visam obstupere, mente
 Perdita, & cursu properante cæci; ac
 6 Impotes, valde doluere, vt ipso
 Femina partu.
 7 Euris & quantus rapidis procellis
 Punicas frangit pelago carinas;
 Quæ patres nobis retulere in IAE
 Vidimus vrbe:

F 3

9 Vrbe.

- 9 Vrbe, quam PRINCEPS DEVS ipse condidit
Vltor & firmans fouet, VSQVE in æuum:
- 10 Quin tua nos te DEVS ò manemus
A Ede benignum.
- 11 Quà riuum perfert cita fama nomen,
Constat extremis tua laus in orbis.
Finibus, iusti tua namque & æqui
Dextera plena est.
- 12 Iudice & ius te referente lætus
Mons Sion, Iudæ & soboles puellæ
Certa plaudentes cecinere grata
Carmina voce.
- 13 Ambitus crebros properate in orbem, &
Turribus quantus numerus Sionis
- 14 Discite attenti, valideque vt exister
Murus & arces.
Audiat vestro soboles futura ex
- 15 Ore, vt hic noster DEVS est PATRONVS,
Exitus faultos duce quo feremus
Tempore in omni.

P S A L M V S XLIX.

Audite hæc omnes gentes.

BONORVM ET MALORVM EXITVS.

1 Ad præstantem, filiis Coreh Psalmus.

Ode Dicolos Distrophos.

- 2 **A**vdite hæc populi auribus,
Orbis qui incolitis quadrifidi domos;
- 3 Adæ vos genus infimum,
Summorumque etiam progenies virum:
Quisquis diuitiis valet,
Vel quem semper egens pauperies premit.
- 4 Prudens quas sapientias
Cor dicat, meditans proferet os meum:
- 5 Auri exempla canam mea;
Edam ænigma sacri murmure barbiti.
- 6 Nam cur temporibus malis
Vallatus timeam, finibus aut meis?
- 7 Hæc illi metuant, quibus
Res & percelebres spem cumulant opes:
- 8 Nullum nam redimet suus
Frater, nec pretiis excipiet DE O.